

OKTHOBHA 2017

24-hour Emergency Fire Brigade 028 313 8000/8111
028 312 2400

Bulletin

Incwadi ethunyelwa amalungu e-Bhunga le Overstrand esesikweni

IITEPHU EZIBIWEYO ZENZA ILAHLEKO EMANZINI ANQABILEYO

Umkhuba wokubiwa kweethephu ezindlini uphinde wabuya eOverstrand.

Kwinyanga ka-Agasti kuchazwe izehlo eziliqela zokubiwa kweethephu zekopolo nezivalo kwimizi yabantu.

Ngaphandle kokubiwa kwezilinganis zezingqongileyo, ilahleko yamanzi ngokungeyomfuneko ngexa lokugqiba kwembalela kuyaxhalabisa.

Kukholelwa ekubeni amasela eba iithephu ukuze azithengise kwindawo yobugoxo beentsimbi. UKapteni Fadila September weSAPS eHermanus utyityimbisele umnwe abanini bendawo yobugoxo abathenga emaseleni izinto ezenziwe ngekopolo.

Abahlali bayabongozwa ukuba bamazise umasipala xa kukho iithephu ezivuzayo, iimbhobho egqabhukileyo, iintambo zombane ezifakelwe ngokungekho mthethweni, ukuminxeka kwimbhobho ehambisa ilindle, uphazamiseko lokuhanjiswa kweenkonzo zamanzi nayo nayiphi na eminye imiba engulumene namanzi kwii-ofisi ezahlukeneyo ngexesha lomsebenzi (ngentsimbi ye-07:45am - 16:30pm) kwezi nombolo zilandelayo:

E-Kleinmond: kule nombolo 028 271 8400 okanye kule 028 271 8465

E-Hermanus: kule nombolo 028 313 8000 okanye kule 028 313 8196

E-Stanford: kule nombolo 028 341 8500 okanye kule 028 341 8516

E-Gansbaai: kule nombolo 028 384 8300 okanye kule 028 384 8328

Usakuba uhlanganisiwe umsebenzi wokunikezelwa kweenkonzo emva kwexesha lokuphangela ezi nombolo uzibonayo ngentla apha ziza kuphambukela eOverstrand's 24-hour Control Room (028 313 8000/8111).

Inombolo ethi (028 312 2400) yeZicimamilo neeNqwelo zoHlangulo ingasetyenziswa ngexa leempuphuma neemeko zobongxamo kummandla wase-Overstrand. Izikhazelo zolwaphulo mthetho zemihla ngemihla mazixelwe ngokutsalela umnxeba kule nombolo 028 313 8980.

Ndibona njani ukuba kukho indawo enamanzi avuzayo kwipropati yam?

Iyenzeka into yokuba ungaqondani ukuba ngaphantsi komhlaba kukho umbhobho onendawo egqabhukileyo kwipropati yakho de ufikelwe yi-akhawunti enkulu yamanzi. Ukuba ufumana i-akhawunti enkulu yamanzi ngendlela engaqhelekanga kunokwenzeka ukuba kukho umbhobho onendawo egqabhukileyo.

Ukuze uqonde ukuba kukho umbhobho onendawo egqabhukileyo kwipropati yakho zama oku kulandelayo:

- Zivale zonke iithephu zakho kwipropati yakho.
- Khangela isilinganis zamanzi (i-metre). (Esi sixhobo sifumaneka ngaphandle komzi wakho kufutshane nongqameko).
- Isilinganis sakho sinoluhlu lwamanani.
- Khangela ukushukuma kwamanani; ukuba akukho nto ibonakalayo yenza oku kulandelayo:
- Funda umlinganiselo ngokubhala phantsi onke amanani owabonayo kubo besilinganis.
- Thetha nabantu abahlala kwipropati yakho ubacele ukuba bangazivuli iithephu ixesha elingangeyure; le nto inokwenziwa nasebusuku xa kulelwe (musa ukuyigqungula ithoyilethi ngeli xesha!)
- Funda isilinganis okwesibini emva koko; ukuba umlinganiselo unyukile, qiniseka ukuba kukho umbhobho onendawo egqabhukileyo. Amanani kwisilinganis ayahamba umthetho wawo ukuze axele umlinganiselo wokuphuma kwamanzi. Ukuba ayahamba loo nto ichaza ukuba kukho umbhobho onendawo egqabhukileyo.



ITHALA LEENCWADI E-HAWSTON LIBHIYOZELA UKUGQIBA IMIN-YAKA ENGAMA-30 LISEBENZA

ITHala leencwadi eHawston lineminyaka engama-30 lisebenza. Le yimbali eliyibhiyozele ngomsihlo osisikhumbuzo ngomvulo umhla wesi-4 kuSeptemba

2017. Abasebenzi abatsha nabadala basebenzise eli thuba lihle kangaka ukonwabisa abantu ngeenkumbulo zeminyaka yangaphambili kweli ziko, nefuthe esathi sanalo nokuqhuba sisenza njalo nanamhla.

Iphupha lokuseka iThala leencwadi ukuze kuxhamle abahlali eHawston ngakumbi abafundi abangazange babenayo le nkonzo yinto eyayibalulekile kakhulu kuPhillipus May ngakumbi wayenguNoncwadi wokuqala noCeba ngokunjalo.

"Ngezo ntsuku kwakusetyenziswa izithuthi ukusa abantwana eMount Pleasant ukuze bafumane iincwadi" watsho uPhillipus.

Emva kokusebenza nzima ekhusini ngendlela engenakuqondwa ngabaninzi nokuba lizinyo liqaqamba kwiinkokheli zoluntu nezo zithetha kwenzeke eli phupha laba yimpumelelo ngo-Agasti 1987 xa iThala leencwadi eHawston livula iingango zalo okokuqala, waza waqeshwa njengoNoncwadi wokuqala.

"Yingxaki ukungakwazi ukufunda. Uva ngokuxelelwa, 'ithini le nto apha' nokuba, 'lithini ixabiso lale nto?' Ndinethemba lokuba niyaliqonda ixabiso elinokudlalwa iThala leencwadi empilweni yenu. Thabatha inxaxheba kwizinto ezenziwa iThala leencwadi, yenza uphando-nzulu, funda okulindelekileyo kuwe ufumane isikhokelo uqonde", watsho ekhuthaza. UChristine Marais (uAunt Stienie isitoketiso) ongomye weendwendwe ezibekileyo ezazikulo msitho, wathi eli Thala leencwadi lenza ukuba izinto azibone ngokutsha. Waqala ukuthatha iincwadi eMount Pleasant Library kwiminyaka engama-45 eyadlulayo phambi kokuba yakhiwe iHawston Library. Ngoku ugqiba iminyaka engama-30 elilungu layo. UElнора Gillion nguCeba ka-Ward 8, wathi abafundi banenxaxheba yokufumana amathuba okuba baziphucule. "Ukuthabatha iincwadi ufunde linyathelo loquqala. Musa ukuphosana nethuba elinjalo apha. Umabonakude mbukele ixeshana, umnxeba ophathwayo wubekele ecaleni okomzuzwana. Thabatha uxanduva ngesiqu sakho kwanokuba ufuna ukwenza ntoni ngobomi bakho." "Xa uza kukhula inqwelomoya usiya ndaweni ithile, kuza kufuneka uyazi indlela eya khona: ulungu-lunguze, ufunde ukuba kufuneka uye ngaphi." wongeza watsho.

UHawston Julius oyingqununu yaseSwart Primary wayiphinda le nto esithi abantwana mabangatyhafi kuba abazali babo bengenayo imali okanye bengakwazi ukufunda okubhalweyo. "Umntu makayikhuphe ingqondo yokuba ube ehleli engayi ndawo, nokuba akanayo kakade nemali yokuqhubeka nezifundo zakhe. Inkxaso-mali ikhona kumntu ofunda ngokuzimisela aphumelele kwizifundo zakhe. Nyhani ke kunzima xa utata nomama bephangela ze kungabikho mntu wokuba akuncedise ekhaya. Nyhani ke kunzima ukukhulisa ngumakholu ekungenzeka ukuba waphuma ku-Grade 2 kuba ngeze akuncede kumsebenzi wesikolo. Nyhani ke kunzima xa ingekho imali yokuthenga iphephandaba okanye iimagazini - sebenzisa inkonzo yeThala leencwadi noncedo lwangaphakathi. "Wongeza esithi, ngoku iHawston Primary isethubeni lokuba izifumanele elayo iThala leencwadi. Enkosi Auntie Belinda ngenkxaso yakho, ubunkokheli bakho netsebenziswano. Nangona isikolo sethu sinalo ngoku iThala leencwadi akuyekanga ukubanceda abantwana bethu. "

UBelinda May nguNoncwadi, wayiqumbela le nkqubo ngokuthi yena nesitafu sakhe benzelwe imbeko ngokuba yinxalenye yegela eliphumelele iimbasa eziliqela kule minyaka idlulileyo. IThala leencwadi eHawston libalwa namanye amaThala leencwadi oLuntu ngoMgangatho oPhucukileyo: Iqela leeNkonzo zaBantwana, lenze imbali lafumana ukuchongelwa iMbasa yoMphathiswa ngokuphatha abantwana kakhulu. Uxelele wonke umntu ngeenkqubo zokonwabisa abantwana ngexesha lekhefu. Kwiholidi ezigqithileyo zobusika abantwana abaphakathi kwama-200 nama-250 babegcinwe bedlala yonke imihla. Wenza umbulelo kuDon Kearney nguMphathi weSithili, (nongumlawuli wawo onke amaThala leencwadi eHermanus) ngenkxaso yakhe.



Ngaphambili ukususela kwisandla sasekhohlo ukusa kwesokunene: nguFrancois Myburgh (uMphathi weSithili: kwii-Ofisi zoLawulo eGansbaai), nguJulius Swart (iNqununu), nguDon Kearney (uMphathi weSithili: kwii-Ofisi zoLawulo eHermanus), nguPhillipus May (uNoncwadi wokuqala owayenguCeba), nguChristine Marais (undwendwe olubekekileyo) noElнора Gillion nguCeba. Ngemva: nguBelinda May (uNoncwadi), nguRonel Salies (uMphathi kwezeMfundo, owayeqeshwe kwiThala leencwadi eHawston ngaphambili), nguFrancina Philander (uSekela-leencwadi), nguLucelle Wyngaard (uSekela-leencwadi), nguChristopher Bruintjies (uMsebenzi-ijekile) noHillary Wessels (uSekela-leencwadi)

ABAGWEBI KUKHUPHISWANO LOCOCEKO NOGUTYULO BAZA KUTYELELA E-OVERSTRAND

Abagwebi kuKhuphiswano loYena Masipala uCocekileyo (GMC) ka-2017 phantsi kwecandelo loCoceko noGutyulo bafumana ukwamkelwa ngezandla ezishushu xa babetyelele uMasipala waseOverstrand ngoLwesithathu umhla wama-23 ku-Agasti 2017.

IOverstrand yabekwa kudi lwesithathu kuluhlu loomasipala abaziBalule ngoCoceko kwiPhondo leNtshona Koloni. Yaphuma phambili IOverstrand kwicandelo loCoceko noGutyulo isihlathu sesithandathu kukhuphiswano lonyaka ophelileyo.

UJohan van Taak, ongumququzeleli kamasipala waseOverstrand kolu khuphiswano nokwanguMphathi kaMasipala kwiiNkonzo zoCoceko noGutyulo wathi Overstrand ineminyaka iluxhasa olu khuphiswano. "Olu

khuphiswano luncedisana nomasipala ekwenzeni ezona zinto zibalulekileyo, nokunceda ekuphuculeni umgangatho wempilo yethu nokusingqongileyo," wongeza watsho.

Kwiqela labagwebi kwakukho uGregg Adams noTherina Oberholzer abaphuma kwiSebe leMicimbi yezokuSingqongileyo ePhondweni.

Iqela labagwebi labaneseshoni yemibuzo neempendulo noJohan van Taak noHanré Blignaut onguSekela-mlawuli weziBonelelo, izisiSeko noCwangciso, phambi kokuba batyelele amaziko ococeko nogutyulo, nokuhlola umsebenzi owenziwa ngamaqela kummandla waseOverstrand.

Amagama abaphumelelayo kolu khuphiswano aya kubhengezwa ngoNovemba 2017.

#GreenestMunicipalityCompetition

UPHUHLISO LWEQUA LOKUQBHA (I-FICK'S POOL) LUZA KUQALA KUNGENTSUKU ZATYALWA

INkampani yakwaTasoclox (Pty) Ltd inikwe isivumelwano sengqesho nguMasipala waseOverstrand emva kwexesha elide elibe liningamingxi-gingxi ukuze iphuhlise iFick's Pool nommandla olingqongileyo. Lo mhlaba onokuba ngaphantsi okanye ngaphezulu kwama-5 300m² waniwka le nkampani ngenjongo yokuba yakhe indawo yokutyla (irestyu). Lo msebenzi ubandakanya ukugcina iqhola elikhoyo apha likwisimo salo sendalo nokuphucula umgangatho wamaziko okuhlamba kule ndawo phantsi kwesivumelwano sengqesho esiza kuqhuba iminyaka engama-20. Emva kokutyikitya isivumelwano sengqesho nokuxhoma ibhodi enombhalo ngalo msebenzi, uphuhliso luya kuqala ngaphandle kokulibazisa. Uluntu lusavumelekile ukuba luwasebenzise amaziko okuhlamba kule ndawo.

Zibandakany nathi nyanga-zonke kwiphulo lokucoca amanxweme kwihlabathi jikelele

Masingalahl inkunkuma kumanxweme ethu ze njalo ingene elwandle ngokuthi sicinge kabini phambi kokuba sisebenzise iingcongolo zesisele. Izitimpi zezigarethi masizilahle kwiindawo ezifanelekileyo. Masiziqhelanise nokugcina iingxowa eziphathwayo nesizisebenzisela ukuthenga ezivenkileni.

Masiyidlale eyethu indima ngokugcina iindawo zethu zicocekile. Masigcine kwisimo esihle okusingqongileyo ukuze iplanethi ikhuseleke - ingxowa enye maxesha onke!

ISIZATHU SITHINI?

Into etyiwa yintlanzi yilindele ukuba ungayifumana ekutyeni kwakho ngesidlo sangokuhlwa!

Umthandi wezilwanyana zasendle uSue-Ann Schutte, uyicacisa kakuhle le nto kwiphephandaba iGeorge Herald: "I-Plastiki yenziwe ngamachiza ayingozi kwizilwanyana zaselwandle nakuthi ngokunjalo. Ungcoliseko olwenziwa yiplastiki luchaphazela ngaphezulu kwama-600 eendidi zezilwanyana zaselwandle kwaye iintaka zaselwandle eMzantsi Afrika zibalwa njengezona zilwanyana zisengozini lolu ngcoliseko kwihlabathi lonke."

"Iplastiki elahlwayo ngonyaka inintsi kangangokuba inokubhijela ihlabathi izihlandlo ezine. Ibhotele yeplastiki eqhelekileyo ayiboli ngenxa yeentsholongwane. Kungaphela iminyaka engama-50 ukuya kweli-100 ukuze ibole, kanti enye ayinakube ibole."

"Ungcoliseko kumanxweme ethu luchaphazela okusingqongileyo ngendlela engathethekiyo, kodwa ubungozi kwizilwanyana nakwi-ekhositim yazo yinto engasoze ibonwe ngabantu. Kuzo zonke izinto ezilahlwayo nezithi zidale ukungcoliseka kolwandle, iplastiki yeyona inomnakalo omkhulu."

UKUFA YINDLALA

"Inkunkuma elahlwa elunxwemeni ingena emanzini ze ichaphazele izilwanyana zaselwandle ezithi ngokundweba nokufuna ukuqonda - zigqobhoze iplastiki okanye zizibhijele ngentambo enokuthi idale umonzakalo okanye ukufa."

"Enye indlela enobungozi echaphazela izilwanyana zaselwandle yiplastiki eginyiweyo. Nazo izilwanyana ezincinane elwandle ziyayiginya iplastiki ekhangeleka ngathi zizilwanyana ezincinci ezikukutya kuzo ngenxa yokulungana nayo. Ngenxa yokutya izinto ezingaboliyo ziintsholongwane isilwanyana siziva sihluthi kanti siza kufa yindlala. Iintaka zaselwandle zindwebile umthetho wazo kangangokuba ziyi nantoni na. Eyona ngxaki ingumcelimngeni esijongene nayo kuxa iintaka zaselwandle ziyi intloko yentlanzi enolobo olushiyekele ngaphakathi emlononyeni nolukholisa ukufakwa kumtya wokuloba onesinkara," utsho uSchutte.


Kuza kuba kho amaqela aza kudlala eyawo indima ukucoca okusingqongileyo ngokuhamba ngonxweme lwaseOverstrand echola inkunkuma. Zibandakanye nala maqela acocayo ukususela nge-08:30am ukuya kweye-11:30am kunxweme olukufutshane nawe?

UWhale Coast Conservation ikhokela iqela laseSandbaai okanye eZwelihle eliza kudibana eSchulphoek Road. Ukuze ufumane ulwazi oluthe vetshe tsalela uShirley umnxeba kule nombolo 078 515 1078. Abaquzeleli baseWESSA's #BlueFlag Beach baza kuba seGrotto bakhokele endleleni ze ngomhla we-19 kuSeptemba bafumaneke kunxweme lwaseHawston.

Fumana iinkcukacha ezithe vetshe ngamaqela acoca amanxweme ngokutsalela uAntonio da Silva-Swartle umnxeba kule nombolo 072 462 4274; uPetro kule nombolo 079 807 9726 okanye i-Whale Coast Conservation kule nombolo 028 316 2527. Wonke umntu uvumelekile ukuba athabathe inxaxheba ekucholeni inkunkuma eselunxwemeni. #TeamUpToCleanUp #WasteStopsWithMe



Iziphumo zokufuya nokulima kokusingqongileyo



Abantu abaninzi banolwazi lokuba indlela esiphila ngayo kule mihla yonakalisa iplanethi ngenxa yobugwenxa esibenzayo kokusingqongileyo. Abantu abaninzi bangcathu ekusebenziseni izinto ezenza ikhabhon dioxide, bathenga iinqwelo eziwongayo amafutha, basebenzisa izithuthi zikawonke-wonke xa kulula ukwenza njalo okanye bagcine amanzi ogutyulo, nangona kunjalo abaninzi kuthi abaqondi ukuba ukufuya nokulima kudala

omonakalo kosingqongileyo.

Iyaziwa into yokuba imveliso yempahla emfutshane inomnakalo ewenzayo kwiplanethi idala ungcoliseko lwamanzi nomoya, izilwanyana zaselwandle zisebenzisa umhlaba omninzi.

Ukufuya impahla emfutshane kongeza ikhabhon dioxide engama-20% kwekhoyo kwi-hlabathi lonke, linkcuba-buchopho kumazwe ngamazwe zenze izifundo ngomonakalo wayo kumhlaba okhoyo, kumanzi okunkcekeshele. Kuphando lwabo lwekhabhon dioxide ekhutshwa yimifuno efana nengolowa, imveliso yobisi nji-nji. bafumanise ukuba imveliso yenyama yenkomo isebenzisa umhlaba ngokuphindwe ama-28 xa kuthelekiswa nokuvelisa inyama yehagu, imveliso yobisi okanye imveliso yamaqanda, isebenzisa amanzi ngokuphindwe ka-11 ze oko kudale ukongezeleka kwekhabhon dioxide ngokuphindwe ka-5.

La manani athetha lukhulu kuthi Mzantsi Afrika nanjengokuba sisazi ukuba sililizwe elinqatyelwe ngobunzima ngendlela engathethekiyo. Xa ama-2 400L zamanzi enokwenza i-beef-burger engobunzima obuli-150g mhlawumbi inyama yenkomo yeyokuqala kwizinto ekufuneka sibe ngcathu kuzo, endaweni yoko kunjani ukuba sifumane ukushawarisha imizuzu emi-2 xa kuyimfuneko ngaloo mini, nalo mini?

Ukwenza ingxelo ngezibane ezonakeleyo esitalatweni

Abahlali bangenza ingxelo ngezibane ezonakeleyo esitalatweni ngokutsalela umnxeba kwezi nombolo zilandelayo ngexesha lomsebenzi nge- (07:45am - 16:30pm):
Kwii-ofisi zaseHermanus: kule nombolo 028 313 8000/8111 okanye kule 028 316 2630
Kwii-ofisi zaseKleinmond: kule nombolo 028 271 8400 okanye kule 027 271 8484
Kwii-ofisi zaseGansbaai: kule nombolo 028 384 8300 okanye kule 028 384 8358
Kwii-ofisi zaseStanford: kule nombolo 028 384 8500 okanye kule 028 384 8376

Nawuphi na umonakalo ofumaneke emva kweeyure zokusebenza mawuxelwe kwi: 24-hour control room kule nombolo 028 313 8000/8111, okanye ngale imeyile: enquiries@overstrand.gov.za. Qaphela, ii-imeyile ezithunyelwayo ziza kuqwalaselwa ngexesha lokusebenza.

linkcukacha ezifunwa kuwe ukuze uncedeke msinya:

- Nika iinkcukacha ezipheleleyo ngengxaki ekhoyo
- Indawo ekuyo ingxaki leyo
- Igama lesona sitalato sikufutshane kwisibane esingasebenziyo

IINKCUKACHA ZAKHO UZITSHINTSHILE NA?

Uhlala kwenye indawo okanye unenye inombolo yomnxeba kutsha nje?

Ingaba uhlala kwenye indawo okanye unenombolo entsha yomnxeba ophathwayo? Nceda ungabalali ukwaziisa uMasipala ngezi nkcukacha zintsha. Musa ukufowuna, bhala ileta wazise uMasipala ngeenkcukacha zakho ezintsha. Ezi nkcukacha zinokuthunyelwa ngale imeyile: enquiries@overstrand.gov.za za Kungenjalo yiya kwii-ofisi ezikufutshane nawe uthethe negosa leenozo zabahlawuli, ukuze uqiniseke ukuba ezi nkcukacha zintsha ziyafakwa kwikhompuyutha:

E-KLEINMOND: idilesi: 33 5th Avenue, eKleinmond okanye Inxowa yePosi: P/Bag X3 eKleinmond 7159.

Umnxeba: 028 271 8400

E-HERMANUS: idilesi: eMagnolia Street, eHermanus okanye Inxowa yePosi: PO Box 20, eHermanus 7220.

Umnxeba: 028 313 8000/8111

E-STANFORD: idilesi: 17 Queen Victoria Street, Stanford okanye Inxowa yePosi: PO Box 84, Stanford 7210. : 028 Umnxeba 384 8500

E-GANSBAAI: Idilesi: Main Road, Gansbaai okanye Inxowa yePosi: PO Box 26, GANSBAAI 7220. : Umnxeba 028 384 8300

linkcukacha zokuqhagamshelana nawe ziya kugcinwa ziyimfihlo akukho namnye uya kuba nolwazi ngazo.

U-ZUILL BAILEY OSUKA EMELIKA UZA KUDLALA E-OVERSTRAND



U-Zuill Bailey, owaziwa njengomdlali obalaseleyo ekudlaleni isikhalisi esikhudlwana kunefidyoli ehlabathini uza kudlala abathandi bomculo eOverstrand emva kwemini ngeCawe umhla wama-29- ku-Okthobha!

I-OVERSTRAND ARTS/KUNSTE (i-OAK) ikuphathela umculi-solo ozibaluleyo, umcengelezi okwayitshala. Phakathi kwezikhundla azibambileyo ukwayiNjingalwazi kwiYunivesithi yaseTexas e-El Paso. Uza kudlala iSonata in C Major ngokuqanjwa nguBoccherini; iSonata No. 4 ngokuqanjwa nguBeethoven; iPaganini Variations neDaugherty's Concerto ngokuqanjwa nguPiatigorsky.

IKonsathi iya kuthi iqala abe amatikiti axabiswa (i-R140) sele athengiswa aphela kudala, ngoko ke bhukisha ngexesha ukuze ungaphoxeki eTOURISM OFFICE ngokutsalela umnxeba kule nombolo 028 312 2629.

Le konsathi iza kubanjelwa eCivic Auditorium eHermanus emva kwemini ngeCawe umhla wama-29 kuOkthobha, ze iqalise nge-15:30pm. Ukuze ufumane iinkcukacha ezithe vetshe qhagamshelana noRené du Plooy ngale nombolo 082 940 4238 okanye ngale nombolo: 028 312 1895.

